

أنا الحاكي

يا ناس أنا للتاريخ حاكي
ولا عمرى بقلد ولا بحاكي
ما أنا الضاحك وأنا الباكي
وانا اللي بوست يوم فاكي

لما غطاني قميصك الكاكي
و يضيق الحال مانيش شاكي
بحب ترابك ونيلك وسماكي
حببتي والرب ألي سماكي

في القلب وعمرى ما أنساكي
ع الحدود حامى وفى حماكى
ودمى لو سال ما هو فداكى
أنا روحى دايبه فى هواكى

و ليه و ازاي أكون شاكي؟!
قبل الشهيد ما يروح وصاكي
قدامك عدو أخس منه جواكى
و بياكل فى خيرك وهاجاكى

وأبئك البر بروحه يرعاك
إسقيه بشهدك ضميه جواك
لا يخون عهدك ولا هواك
حتى ولو بات م الجوع باك